



Naalakkersuisut  
[govsec@nanoq.gl](mailto:govsec@nanoq.gl)

Ilanngussaq 5

## **Nummi umiarsualiviliornissamat aalajangiissutissatut siunnersuutip tusarniutigineqarnera**

Nummi umiarsualiviliornissamat aalajangiissutissatut siunnersuutip tusarniutigineqarnera, Namminersorlutik Oqartussat Ingerlatseqatigiiffinnut Allattoqarfiata nassiuppaa. 2013-imi septembarip aappaani kingusinnerpaamik akissuteqarfigineqassaaq. Siunnersuut Qeqqata Kommunalbestyrelsiata 2013-imi aggustip 29.ani suliarivaa, kommunalbestyrelsillu tulliuuttut oqaaseqaatigivai:

Aalajangiissutissatut siunnersuut una, Nuummuinnaq isumassarsialatsialaalluni nunap sinneranut aaqqiissutissaqqinngitsutut isumaqarfigineqarpoq. Tullinnguuttut ajornartorsiutitut isigineqarput:

1. Nunap immikkoortorta avataaniit toqqaannartumik tikinneqartarnerisa taamaatinneqarnissaat
2. Nunap immikkoortorta ineriartortinneqarnissaat killeqalissaaq
3. Nuuk ungasingaatsiarlugu aalisartoqartarpoq, atugassarititaasulli ajorseriartinne-qassapput
4. Nuuk ungasingaatsiarlugu uuliasiorortoqartarpoq, atugassarititaasulli ajorseriartinneqassapput
5. Aatsitassarsiorneq aluminiumillu pilersaarut qularnanngitsumik illoqarfinnut nunaqarfinnullu aqqusineqartinneqartussaasut Nuummi ingerlanneqarani nunami piffin-ni assi-giinngitsuni ingerlanneqarpoq, pilersaarutinullu taakkununnga ataatsimoor-tumik umiarsualiveqarnissaaq ineriartortissallugu ajornakusuulerpoq
6. Umiarsuit takornariartaatit tikittarnerisa annertusiartuinnarnerat Nuup avataani pivooq, annertuumillu aningaasaliissuteqarnikkut atugassarititaasut pitsanngoriarnaviangillat
7. Sinerissami illoqarfiit annikinnerusumik tikinneqartalissapput
8. Nuummi sanaartugassat sinneqarput, nunalli sinnerani sanaartugassaaleqinarluni
9. Assartuinnermut Isumalioqatigiissitap sanaartornissamik takussutissiaa annikinnerusumik missiliorneqarpoq

Kommunip allaffia  
Kommunekontoret  
Postboks 1014  
DK-3911 Sisimiut  
Grønland

Telefon 70 21 00  
Telefax 70 21 77  
E-mail [qeqqata@qeqqata.gl](mailto:qeqqata@qeqqata.gl)

Giro Sisimiut 1071408  
Giro Maniitsoq 5162807

Grønlandsbanken  
6471-2020219



**Ammasarfii:** ataas., marl. ,tall. 10-14,  
pingasunngorneq matoqqavoq, kommunip karsia  
kisimi ammassaaq nal. 10-14  
Sisamannorneq 10-17  
**Åbningstider:** man., tirs. fre. 10-14  
Onsd. lukket undtagen kassen, som har åbent 10-14  
torsdag 10-17

10. Nassiussat amerlassusiinut missiliuut atorneqartoq, paasissutissat nutaanngitsut atorlugit suliarineqarsimavoq
11. Inuutissarsiutitigut pitsaasumik ineriartortitsineq aallaaviginagu nuna naligiinngitsumik kisermaassisumillu aqunneqartoq aallaavigalugu nassiussat amerlassusii aallaavigineqarput
12. Naalakkersuisoqarfik RAL-ilu ilisimannillutik Nuup umiarsualiviani tulleriarinerat
13. Namminersorlutik Oqartussat aktianik piginneqatigiiffiutaa kisermaassiffiusoq aamma alla, ilaatigullu aamma Nuummi akuerisaasoq
14. Nuummi sanaartornissamut ataatsimoortumik aningaasaliissuteqareernermi akiitsut akilernerqareerpata, akit eqqortut atuutilissapput
15. Attaveqarnermut Naalakkersuisoqarfiup, Kommuneqarfik Sermersooq-p aamma Assartuernermut Isumalioqatigiissitap siunnersortai naalaatsornikkut pisut

Ad. 1 taava nunap immikkoortortai/kommunit tamarmik Aalborg-imit toqqaannartumik tikinneqartassapput. Kommuneqarfik Sermersooq-mi Nuuk sineriaalu tikinneqartassapput, nunap immikkoortortaanili/kommuninili sinnerini Aasiaat, Sisimiut, Nanortalik (Nanortalik immaqa taamaallaat sapaatip akunneri pingasukkaarlugit) kisimik tikinneqartassallutik. Nutaamik annertuumik umiarsualivittaarnikkut allannguisoqarluni siunissami Aalborg-ip Nuullu akornanni kisimi toqqaannartumik attaveqassaaq, taamaalillunilu Sermersooq suli Nuummut sineriaalu toqqaannartumik tikinneqartassallutik, sinerialli sinnera avataaniit toqqaannartumik tikinneqassaassalluni.


Ad. 2 Nunap immikkoortortai avataanit toqqaannartumik tikinneqassaarunik ineriartortitsinisaminnut killeqalissapput. Avannaanut, Qeqqanut, Kujataanullu, taamaalillunilu Qaasuitsup Kommunanut, Qeqqata Kommunanut, Kommune Kujalleq-mut assartukkat Nuummut niuneqaqqariarlutik, Aasiaat-nut, Sisimiut-nut Nanortalik-mullu umiarsuarnik mikinerusunik assartorneqartassapput. Tamatuma saniatigut assartukkat tamarmik Nuummut nioqqaarneqartalerneerisigut akiliisitsisalernikkut assartuineq akisunerulissaaq. Nuummiit Maniitsoq, Sisimiut, Kangaatsiaq aqqusaarlugit Ilulissanut kiisalu Paamiut, Narsaq Qaqortorlu aqqusaarlugit Nanortalimmu assartuisoqartaleruni silarlutsillugu annertuumik kinguaattoortoqartalerlunilu kiffartuussineq ajorseriassaaq, RAL-imit il.il. puigorneqartoq.

Ad. 3 Nuuk ungasingaatsiarlugu uuliasiortoqartarpoq, nunap immikkoortortailu umiarsuarnik angisuunik toqqaannartumillu tikinneqassaarunik pissutsit ajorseriassallutik. Nunap iluanit avataaniillu kilisaatit kiisalu tunitsiviit sinerissami illoqarfinnut tikittarnikut Nuummukartalisapput, Nuuminngaanniimmi sukkanerusumik, akikinnerusumik toqqaannartumillu nunap avataanut attaveqassammat. Nuummi umiarsualiornerup kingunerisaanik Kalaallit Nunaani umiarsualivinnut akiliutigineqartartut qaffakkiartornerisa kingunerisaannik, kilisaatit tunitsiviillu Canada-mut Island-imuulluunniit usingiartikkiartortalissapput.






Ad. 4 uuliasiorneq annerusumik Avannaata-kitaani, Kujataani Avannaata-kangiani pingaartumik ingerlanneqarpoq. Aasiaat Kujataani annikinnerusumik, umiarsuarnillu mikinerusunik akisunerusumillu tikinneqartalernerisigut uuliasiornermi atugassarititaasut ajorseriassapput. Avataaniit Nuummut toqqaannartumik tikisitsisalinngikkunik, uuliasiorfiit toqqaannartumik tikinneqartalissapput. Nunap immikkoortortaani pilersuiveqarnissaq qularnarlunilu akisualla-assammatt, uuliasiorlut Nuummi nunalluunniit avataani umiarsualiavimmit pilersorneqartar-nissaminnik pingaartitsilissappata, Nuuk avataani nunap immikkoortortaasa kaaviiartitaat suliffeqarfiillu annikinnerulissapput.



Ad. 5 aatsitassarsiorfiit illoqarfinnut attaveqartinneqarnissaat eqqarsaatigalugu pingaartumik Kujataani tamanna periarfissaassaaq, ilutigalugulu ataatsimoortumik umiarsualineqarnermi sunniivigineqatigiinneq atorluarneqassalluni. Narsaq-mi Kuannersuit, Qaqortumi Killavaat Alannuat, Nanortalik-milu kuultisiorfik tamarmik illoqarfinnut aqquarneqarsinnaapput, taamaalillutillu avataanut toqqaannartumik tikinneqartartumik umiarsuliviliornikkut sunniivi-

geqatigiittoqalersinnaalluni. Taamaakkaluortoq assartukkat Nuukkoqqaarlutik umiarsuarnik mikinerusunik assartorneqartarnissaannik Namminersorlutik Oqartussat RAL-ilu aalajangiis-sagaluarpata, taamaattoqassanngilaq. RAL-imi taama piumsaqarsinnaallunilu kisermaassil-lunilu akuersissuteqarpoq, umiarsualivillu ernialersorneqassaguni, siunissami assartukkat Nu-ukkoqqaartarnissaannik Namminersorlutik Oqartussat RAL-illu piumsaqassapput. Maniit-sumi alumniinumik aatsiterivissaq taamatorluinnaq ippoq, illoqarfiummi aluminiumillu aatsi-teriviup ataatsimoortumik umiarsualiveqarnissaq sunniivigeqatigiinnissarlu anguneqarsinna-assanngimmat.

Ad. 6 Qaqortoq nunatsinni umiarsuarnik takornariartaatinik tikinneqarnerpaasarpoq, tama-tumanilu umiarsuit takornariartaatit Islandip Amerikallu Avannaata akornanni aamma Avan-naani Ilulissanukartunik aqqusaarneqartarnera patsisaalluni. Nunatsinni Ilulissat, Sisimiut Kangerlussuarlu umiarsuarnik takornariartaatinik tikinneqarnerpaasarput, tamatumani lu kan-gerlussuarmi takornarissat, ilaatigullu sulisut taarserarlutik, umiarsuit takornariartaatit mikine-rusut Kangerlussuup Avannaatalu akornanni ingerlaartarnerat patsisaalluni. Taamatut inger-laarnerni Sisimiut Ilulissallu tikitassatut annertut aqqusaarneqartuaannarput. Nunap umiarsuit takornariartaatit pingaartissagunigit, illoqarfiit sisamat taaneqartut (Qaqortoq, Ilulissat, Sisi-miut Kangerlussuarlu) pitsanngorsaavineqarnissaat anguniarneqartariaqarpoq. Nuummi umiarsualivissap aningaasalersorneqarneranit annikinnerujussuarmik pitsanngorsaasoqarsin-naavoq. Aap, Nuummi umiarsualiviliornissamut 700 mio. koruunit missaanniittussatut naatso-rsuutigisat atorlugit, illoqarfiit takornarissanik tikinneruneqartartut pitsanngorsaavineqarlur-sinnaapput. Tamatuma kingunerisaanik umiarsuit tikittarnerini pissutsit unittooqqanerat piunnaarluni, umiarsuarnik takornariartaatit Issittup sinneranisut pitsaasumik ineriartortitsiso-qalissagaluarpog. Nuummi nutaamik umiarsualivittaarnikkut Nuummi umiarsut takornari-artaatsinut atugassarititaasut aamma ajorseriassapput, umiarsualivittaassarmi illoqarfiup qiter-pasissuanut ungasinnerugami.



Ad. 7 taava kita siunissami ikinnerusunik tikinneqartalissaaq. Sapaatip akunnerit tamaasa pajuttaatinik tikinneqassarlutik, ullut qulit/aqqanilikkaarlugit tikinneqartalissapput. Tama-tuma kingunerisaanik ilaatigut nerisassat allallu nillataartitsivimmiittariaqartut annertuumik ajorseriassapput. Kitaani illoqarfiit tikinneqartarnerat akutturpat, ajornerpaamik ataatsimut isigaluni siuliani taaneqartunut (aalisarneq, uuliasiorneq aatsitassarsiornerlu) pilersuineq ki-



isalu takornariaqarneq ajorseriassallutik. Taamaattoqassappat selskabit avataaneersut aatsaat iluamik suliaminnik avataanut nuutsitserusulissapput, ulluinnarnilu pilersuutit eqqarsaatigalugit maani nunami suliffeqarfiit Island-imi Canada-milu takornarialerisunik unammilleruminaatsitsilissallutik.

Ad. 8 taava Naalackersuisut Aningaasanut 2014-imit Inatsisissakkut, 2014-imit 2017 tikillugu aningaasanut inatsisissap atuuffissaani, sanaartornissami aningaasat affaat sinnerlugit Nuummi atugassanngortippaat. Tamatuma saniatigut piffissami tassani inissiivimmik matoqqasumik 350 mio. koruuninik naleqassangatinneqartumik sanaartortoqarnissaa, danskit naalagaaffiata aalajangerpaa. Nuummi umiarsualivik nutaaq 680 mio. koruunit sinnerlugit akeqassangatinneqartup kingunerisaanik, pisortat 2014-imiit 2017 tikillugu sanaartornissamut aningaasaaliissutaasa  $\frac{3}{4}$  sinningaatsiarlugit Nuummi atorneqassapput. Taassuma kingunerisaanik nunanut allanut sulisunullu iluaqutissanngorluni nammanneqarsinnaanngingajattumik Nuummi sanaartortoqassaaq, illuatungaaticigullu nunap sinnerani suliffeqarfiit suliassaaleqillutillu sulisut suliffissaaleqissallutik. Taamaattoqassappat nuna aningaasaqarnermigut annertuumik eqqugaassaaq.

Ad. 9 taava Assartuinermit Isumalioqatigiissitaq ilisimatinneqarsimavoq, Nuummi umiarsualivissaq 478mio. koruunit missaannik akeqassasoq, tamannalu aallaavigalugu Assartuinermit Isumalioqatigiissitaq naatsorsuinikuulluni. Tamanna tunuliaqutaralugu Assartuinermit Isumalioqatigiissitap nalilerpaa, Nuummi umiarsualivissaq imminut akilersinnaasasoq. Tamanna ilaatigut aamma tunuliaqutaralugu, Nuummi umiarsualiviup piusut allilerneqarsinnaanissaa Assartuinermit Isumalioqatigiissitap misissorsimanngilaa. Taamaattoq Naalackersuisuisuusimasup Jens B. Frederiksen-ip, 2012-imi novembarip 26-ani pilersaarut pillugu saqqummiussai aallaavigalugit pilersaarut 670 mio. koruuninik naleqassangatinneqarpoq. Pilersaarut ilumut imminut akilersinnaanersoq, Nuummiluunniit umiarsualiviup allilerneqarsinaanut ilumut inuiaqatigiit aningaasaqarnerat eqqarsaatigalugu ajunnginnerpaajunersoq nalorniarpoq. Umiarsualivik piusoq allilerneqaruni Nuummi pisariaqartinneqartut matussuserneqassapput, nunallu immikkoortortaani inuutissarsiutitigut ineriartortitsinissamut periarfissanik ajorseriartitsissanani. Ilutigalugu nuna tamakkerlugu aningaasaliinani, Nuummi atuisut tamanna akilersinnaakutsoorpaat.

Ad. 10 2010-mit 2020 tikillugu Aalborg-imit Nuummumt assartukkat ukiumut 2,6 procentimik qaffariartarnissaat aallaavigalugu Assartuinermit Isumalioqatigiissitap naatsorsuisimavoq. Taamatut naliliinermit sanilliussigaanni, nunarsuup kitaani sinnerani annikinniararsuarmik qaffakkiartortarput. Kalaallit Nunaanni, aammalumi Nuummi aamma taamaassajunnarsivoq. 2,6 procentimik qaffariarnissaa ilumut ilimanaateqarnersoq paasiniarlugu, ukiuni kingullerni paasissutissanik saqqummiisoqarsinnaagaluaruni soqutiginnassagaluarpoq.

Ad. 11 Nuummi naligiinngitsumik kisermaassisumillu aqunneqartooq aallaavigalugu nassiussat amerlassusii aallaavigineqarput, takuuk tullinnguuttoq: Taamaalilluni siuliani taaneqartutut naligiinngittoqarnerani, sanaartornissami aningaasaliissutit Namminersorlutik Oqartussat Nuummumt pingaarnersiorpaat. Immini takuneqarsinnaavoq, sanaartornissami atortussat Nuummumt assartorneqassasut.

Taamaalilluni kommunit akornanni assigiinngissitsinermi, ataatsimut tapiissutit Nuummi sulisunut agguaaneqarlutik, kommunit sinnerinut nalimassarneqassanngillat. Tamatuma kingunerisaanik Nuummi ilaatigut umiatsianik nuannaariutinik, biiliniq il.il. eqqussuineq anner-tuumik pilissaaq.

Taamaalilluni assigiinngitsunik kisermaassinernik Nuummiisitsinermi, nuna sinnera allatut ajornartumik Nuumminngaanniit toqqaannartumik imaluunniit Nuuk aqqusaarlugu as-sersuutigalugu Nuuk Imeq-mit immiaaqqanik sodavand-inillu pilersorneqartariaqalissapput. Tamatuma kingunerisaanik nunap immikkoortortaanni atuilluartumik immiaaralorsinnaaneq sodavand-iliorsinnaanerlu eqqarsaatigalugit assartugassat annertuallaassapput. Naalakkersuisut Aningaasanut Inatsisissatut siunnersuutitigut nassuiaatigisaatut Kalaallit Nu-naat ataatsimoortumik ineriartortinneqassappat, assigiinngissutsit tamakku atorunnaassapput, taamaattoqassappalli Nuummi nutaamik umiarsualiviliornissamut aamma tunngavissaaru-tissaaq.

Ad. 12 taava attaveqarnermut Naalakkersuisoqarfiup aamma RAL-ip Nuup umiarsualiviani piusumi uumasunik nakkutilliisoqarfimmik 2012/2013-imi pilersitsiarlutik salliutsitsipput, naak umiarsualivik nuunneqassagaluarpat sanaartornissami aningaasartuutissat taakku 7 mio. koruuniusut avinneqaraluartut. Ilanngullugu illuatungeriit taakku marluk naleqqussorisimavaat, imarsiornermik ilinniarfiup Nuummut akiliutitaqangnitsumik nuun-neqarnissaanik Ilinniartitaanermut Naalakkersuisoqarfik neqeroorfigissallugu, soqutigineqas-sagaluarpalli illoqarfinnut nunaqarfinnuunniit allanut nuussagaluarpat neqeroorut taanna atuutissanani.

Ad. 13 taava Nuuk Imeq A/S-imit, RAL A/S-imit aamma Illuat A/S-imit misilittakkat takutippaat, Namminersorlutik Oqartussat aktianik piginneqatigiiffiutaat 3900-imik adressillit ersarissumik takutippaat, nuna sinnerani soqutigisat salliunnagit illoqarfimmi soqutigisat sal-liunneqartartut, ilanngullugulu taamatut salliussinerminni Namminersorlutik Oqartussani ator-filittanit tapersorsorneqarlutik. Naak, nunatta karsia avaqqullugu angallannermi attaveqatigiinnerup ineriartortinneqarnissaanut aningaasalersorneqarnissaa Aningaasanut Inatsisitigut ukiorpassuani salliunneqartarsimagaluartoq, qanoq pisoqanngitsoq tamatumu-unakkut Nuummi aktianik piginneqatigiiffik 100 procentimik Namminersorlutik Oqartussanik aningaasaliiffineqarnissaa salliunneqaleriasaarpoq – tamannalu nunami innuttaasunit tamanit akilerneqassalluni. Illuatungaaticigut nunap immikkoortortaani allani umiarsualiviit mittar-fillu illoqarfiit suli namminneq aningaasalersussavaat, tamannalu Namminersorlutik Oqartus-sat taama assigiinngissitsigisumik unammillertitsiniaruni maannangaaq unitsinneqassalluni. Naak, Aningaasanut Inatsisitigut ukiorpassuani ersarissumik anguniarneqarsimagaluartoq, Sisimiuni talittarfiup akileraarutitigut aningaasalersukkap pisortat ataatsimoortumik, 100 pro-centimilluunniit kommunimit aktianik piginneqatigiiffimmik Qeqqata Kommunian pilersitsi-sinnaanngilaq.

Ad. taava misilittakkat takutippaat, sanaartornissami aningaasaliinissaq nunami innuttaasunit tamanit akilerneqassasoq, periarfissaatilluguli Nuummut iluaqutissanngorlugu akit eqqortut atuutsinneqalertarlutik.

Taamaalilluni Utoqqarmiut Kangerluarsunnguani Nukissiorfik nunami innuttaasut tamarmiullutik akilerpaa, ukiulli 15-it qaangiummata illoqarfiit allat aamma erngup nukissiorfittaa-  
larmata, Nuummi erngup nukinganik nukissiorfik akilerneqarsimalluni akit eqqortut atuutsin-  
neqalerput.

Taamaalilluni immap naqqatigut kabeli nunami innuttaasut tamarmiullutik akilerpaa, naam-  
massineqariartorli Nuummi Qaqortumilu akit immikkut appartinneqarput, kabilili Qaqortuin-  
narmi ikkunneqarsimagaluaruni immaqa taamaattoqarsimassanngikkaluarpoq.

Taamaalilluni assartuinermi akigitinneqartut tamanut qaffallutik Nuummi umiarsualivik nu-  
nami innuttaasut tamarmiullutik akileeqataaffigissavaat, qularnanngitsumilli piffisaq si-  
vitsinngitsoq akit eqqortut atuutsinneqalissallutik. Siunissami taamatut pisoqassappat,  
avataaniit Nuummut nassiussat akii appasisapput, avataaniilli sineriammut ingerlatinneqartus-  
sat akitigut qaffasissallutik. Nuummimi innuttaasunut taamaallaat Aalborg-ip Nuullu akorn-  
aniissaq assartuineq akilissavat, sinerissalli sinneranut assartoqqitassat umiarsuarnut allanut  
assartoqqinneqarnerinut ingerlaarnerinullu aamma akiliuteqassallutik. Tamatumani akit  
eqqortut atuutsinneqassappata, nunap immikkoortuinut/kommuninut pitsaanngitsumik kin-  
guneqartitsissaaq.

Ad. 15 taamaalilluni Assartuinermit Isumalioqatigiissitap, Royal Arctic Line-llu akornanni  
kiisalu Attaveqarnermut Naalakkersuisoqarfiup, Kommuneqarfik Sermersooq-llu siunner-  
sortai, Assartuinermit Isumalioqatigiissitap suliaa sioqqullugu kingoqqullugulu ataqatigiinne-  
rat assut erseqqippoq.

Taamaalilluni Naalakkersuisoqarfiup aamma Kommuneqarfik Sermersooq-p kukkunersiuisui-  
sa sulieriaasissaq takuneqarsinnaasoq kingulleq suliaarat.

Taamaalilluni Nuup Kommuniani, kingusinnerusukkullu Kommuneqarfik Sermersooq-mi  
teknikkikkut siunnersuisarlutik selskabit pisortaaneri Assartuinermit Isumalioqatigiissitami  
aamma Royal Arctic Line-mi qitiusumik inissisimasarput.

Taamaalilluni assartuinermi Naalakkersuisuusimasoq, toqqaannartumik Nuup Kommuniata  
aamma Kommuneqarfik Sermersooq-p kommunalbestyrelsianinngaanneerpoq.

Suliami taama pingaarteqartigisumi suliamut attuumassuteqanngitsunik siunnersorteqarnissat  
pisariaqartinneqarpoq.

Inussiarnersumik inuulluaqqusilluta



Hermann Berthelsen  
Borgmester



Laust Løgstrup  
Fg. kommunaldirektør